



14. februar 2022

UPA 2022/75

Inatsisartut ingerlatsinermut maleruagassaasa § 33 tunngavigalugu Inatsisartunut ukuninnga aaliangiiffigisassatut siunnersuuteqarpunga::

Inatsisartut aalajangiiffigisassaattut siunnersuut, Naalakkersuisut peqquneqassasut suleqatigiissitamik pilersitsissasut Kalaallit Nunaanni filmiliortartut silarsuaata qanoq nukittorsarsinnaaneranut innersuussuteqartussanik. Naalakkersuisut sapinngisaq tamaat suleqatigiissitami attuumassuteqartut peqataatissavaat. Siunnersuutit UPA 2023-mi saqqummiunneqassapput.

(Inatsisartunut Ilaasortaq Nivi Olsen, Demokraatit)

Tunngavilersuut

Kalaallit Nunaanni filmiliortartut ukiorpaalunngortuni periarfissagissaarnertik takutittarpaat. Kalaallit filmiliaat Kalaallillu filmiliortartut nunat tamalaat akornanni akissarsitinnejartarsimapput, nunattalu avataaniit professionaliusumik sulisarnermikkut isiginiarnejartarlutik. Tamanna tanngassimaarutissaqarfiquarparput.

Minnerunngitsumik pissutsit maani taamak itsillugit angusat kusanartut anguneqarsimammata. Nunat allanut sanilliulluta maani nunatsinni filmiliornerup silarsua pitsaasumik sinaakkusersunngilarput. Soorlu Filminut immikkoortortaqarfeganngilagut imaluunniit Kommissæreqanngilagut. Taamatuttaarlu filmiliornerup silarsua ajornakusuulersinnaavoq pisortanit ikorsiissutigineqartartut maanna eqqumiitsuliornikkut aningaasaateqarfimmut immikkoortinneqartalersimasut eqqumiitsuliornikkut pinngorartitsinikkut suliallit allat pisortat aningaasaliissutanik unammissutigineqartalissammata. Tamanna Kalaallit filmiliornikkut suliaqartunut iluaqtaasussatut ilimanaateqanngilaq.

Taamaattumik Demokraatit pisariaqartutut isigaat filmiliornerup silarsuaa ineriartortitsiffiusoq pilersissallugu politikkikkut sukataaruteqassasugut. Taamaattumik siunnersuuteqarpugut suleqatigiissitamik pilersitsisoqassasoq filmiliornerup silarsuaaniik peqataaffigineqartussamik taakkulu siunnersuutit pitsangoriaataasinnaasut saqqummiutissagaat Kalaallit filmiliortartut iluaqtutigisassaanik.

Tunngavilersuutini eqqaariikkatsituut takorusupparput suleqatigiissitap filmiliornikkut immikkoortortaqarfeganngilagut kommissæreqarsinnaanerlu misissuinissaa soqutigaarput. Aammattaq soqutigaarput pisortanit ikorsiissutigineqartartut filmiliornermut tunniunneqartarnissaanut tulluunnersut. Naggataatigullu filmiliornerup silarsuaani ilinnirfissatigut periarfissat misissorneqarsinnaanissaat. Inuuusuttagut ilinniaqqifffissatigut eqqortunik periarfissaqarpat? Nunatsinni ilinniarfissanik pisariaqartitsisoqarpa?

Filmiliornerup silarsua ingerlalluartoq nunatta avammut nittarsaanneranut ksimi iluaqtaanavianngilaq kisiannili aamma isiginnaariartarfinni isiginnaarutikkullumi nuannersumik misigisaqartitsisussaapput.

Taamatut oqaaseqarluta Naalakkersuisut akissutaat partiillu sinnerisa oqaaseqaataat qilanaaraagut.

Pisortanut aningaasatigut allaffissornikkullu kingunissai

Sulqatigiissitassamut aningaasartuutissat 500.000 koruunit qaangernissaat naatsorsuutigineqanngilaq. Naatsorsuutigineqarpoq Naalakkersuisut aki eqqaaneqartup iluani attuumassuteqartunut attaveqarnermut,



ataatsimiinnerit aaqqissuunnerinut, suliamut aammalu innersuussutit tigussaasunut suliaqarnissamut sulisunik atorfinitsisisinissamut periarfissaqassasut.

Namminersorlutik inuussutissarsiuteqartunut aningaasatigut allaffissornikkullu kingunissai
Soqanngilaq

Innuttaasunut aningaasatigut allaffissornikkullu kingunissai
Soqanngilaq